



Tuhagakhaq

GN-kut uqaqatigiyangit Qutiktuqmiutanut tingmitjutiitigut pilluarumayanginnut

IQALUIT, Nunavut (July 14, 2010) –Nangariyauyuq Peter Taptuna, Ministauyuq Pivalliyuliyiyikkunnut Ingilrayuliyiyiknullu, ublumi uqaqtuq iniqtirininnganut nakuuyumik pulaarninnganik pingahuuyut Qutiktuqmiutani nunallaangit.

“Una kavamat akhuuqtut malruuyunik-pittaaqtumik tuhaqtipkaitjut Nunavunmiunut,” uqaqtuq Ministauyuq Taptuna. “Una pulaarniq naunaipkaiyuq piqpagiyavut qanuqtut inuit ihumagiyut ilapkaiyumayaqullu ihumaliuliraigupta. Apirhuutingit kiutjutingillu ikayurniaqtaatigut ihuarhigiami tingmitjutikkut ihumaalutiqaqtut Qutiktuqmi.”

Qangannuaq, Ministauyuq Taptuna aullaqatigiyait katimaqatikhanginnik Ikpiaryukmut, Qausuittuqmut Ausuittuqnullu uqautigiamikni 7nguyut katimaqatikhangit Ikpiaryukmi, Qausuittuqmi Ausuittuqmilu uqautigiamikni tamna 7nguyut tingmitjutikkut pilluarumayumayanginnik titiraqhimayuq uumani *Qutiktuqmiutani Tingmitjutiitigut Akinga Naunaiyainiq*. Pivalliyuliyiyikkut tikkuayuitut huli kitumik piuumayuyut, tuharumakmata qanuqtut ihumagiyamiknik Qutiktuqmiutanit ihuarhitinnagu.

“Ilaupkarumayaqqut Quttiktumiutat havaariyaayunik ihuarhaitillugik inuuhingit,” uqaqtaalu Ministauyuq Taptuna. “Hamani nunaqaqtut ilihimayaallu akinga tingmitjut niuvrutingillu. Uqaqtukhaugaluat qanuqtut ihuarhigiami tingmitjutinga Qutiktuqmi.”

Ron Elliott pulaaqatigiya Ministauyuq Taptuna. Mr. Elliott Maligaliuqtiuyuq Quttiktuq.it, niruaqninnga Ikpiaryuk, Qausuittuq Ausuittuqlu.

“Quviahukpiaqtunnga tamna Nunavut Kavamangat ilitariliqtaa atlaittuq tamna tingmitjutiuyuq Qutiktuqmi,” uqaqtuq Elliott. “Una itquumayumik uqaqtjuiyuq. Niriuktunnga katimapkaigiamni Qutiktuqmiut Katimayiinginnut ihivriurumik nunallaat kitut piuumayamiknik.”

Qutiktuqmiut Katimayiingit talvannga ihumaliurniaqqut kitu piuumalluaqtaat, uqaqlugulu aturumayanginnik Pivalliyuliyiyikkut Ingilrayuliyiyikkunnut. Pivalliyuliriyikkullu uqaqatiginiqtaat tingmiliyiyikkut aulapkaiyunut Quttiktuqmiutanut.

-30-

Naunaittiarumaguvit aatjikutaanikluuniiit piuumaguvit uminnga *Qutiktuqmiutani Tingmitjutiitigut Akinga Naunaiyainiq*, uqaqatigilugu:

Matthew Illaszewicz

Atanguyayuq, Tuhagtipkaiyunik

Pivalliyuliyiyikkunnut Ingilrayuliyiyiknullu

867-975-7818

millaszewicz@gov.nu.ca